



Inatsisartunut ilaasortaq Aslak W. Jensen, Siumut  
Maani/

### **§ 37 naapertorlugu uumatitsiviit pillugit apeqqummut nr. 137 akissuteqaat**

Inatsisartut Suleriaasianni § 37, imm. 1 naapertorlugu uumatitsiviit pillugit Naalakkersuisunut apeqquteqarputit. Apeqqut suliaasaqarfigisannit akineqartussanngorlugu innersuunneqarpoq.

#### **1. Uumatitsiviit nunatta kitaani ingerlanneqartut aalisakkanik toqusoofiusarnerat naalakkersuisut qanoq iliuuseqarfiginiarpaat?**

##### **a. Naalakkersuisut iliuuseqarniarunik suleriuseq qanoq ittoq atorlugu aaqqiissuteqarniarpat?**

**1-mut)** Periutsinut nutaanut suliniutillu pilersinneqarnerannut atuutilersinneqarnerannullu atatillugit aalisartut ingerlatseqatigiiffiillu akornanni oqaloqatigiinnerup pitsaasuunissaata qulakkeernissaa pingaaruteqarpoq. Taamaattumik KNAPK aamma Royal Greenland (RG) attavigisarpakka saarullinniarneq saarullinnillu uumatitsiviit pillugit killiffissiorlugit. Illuatungeriit ilisimatippaangattaq oqaloqatigeeqqilersimallutik aalisarnerlu pillugu attaveqatigiittarlutik.

1 a-mut) Apeqqummut 1-imut akissutigineqartumut innersuussivunga.

#### **2. Aalisartut uumatitsivinnik ingerlatsinerat Royal Greenlandip piumasaqarnera tunngavigalugu ingerlavoq, suliffeqarfissuullu angummassinnaannginnera pissutigalugu aalisakkanik maangaannartitsinerujussuaq takornartaajunnaarpoq, aalisartullu aasakkut isertitaqarniarneranut annertuumik innarliivoq. Pineqartumut Naalakkersuisut qanoq aaqqiissuteqarniarlutik suliffeqarfissuarmut piumasaqaasersuiniarlutik pilersaaruteqarpat?**

**2-mut)** Naalakkersuisut Royal Greenland A/S umiarsuup TUNEQ-ip tunitsivittut atorneqarnissaa akuerat. TUNEQ MANIITSOQ-mit usituneruvoq, amerlanerpaamik ullormut 200-250 tonsit tigusinnaasarlugit. RG-p ilisimatippaanga angallatip nutaap aallartisarnerani ajornartorsiutitaqarsimasoq. Tamannalu pissutigalugu sivisunerusumik utaqqisoqartariaqarsimalluni, kisianni ajornartorsiutit maanna aqqereersimassusaassapput angallallu qanittumi pisinnaasatigut tamakkersorsinnaalissaaq.

Taassuma saniatigut RG ilisimatitsivoq aalisartut ullut 14 sinnerlugit saarullinnik uumatitsivimmiitsisimasut saarullinnik niaquikkanik niaquerneqanngitsunilluunniit aalisakkerivimmut qaninnermut tunisiartornissaannut neqeroorfigisimallugit aamma aalisartut juunip naaneraniit ullut 14 siumut assartuinnermut kilomet 2 kr.-inik taperniarlugit

Ulloq: 15-07-2022  
Suliap normua: 2022 - 14365  
All. nr. 20634663  
Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
E-maili: apn@nanoq.gl  
www.naalakkersuisut.gl

neqeroorfigalugit bundgarnersortut saarullinnik niaquikkanik niaquerqueqanngitsunilluunniit aalisakkerivimmut qaninnermut assartuisinnaaniassammata tunisillutillu. Taamatut aaqqiinerit aalisakkanik assartuummut TUNEQ-mut, tamakkiisunngornissaata tungaanut ilaatigut tapersiinertut oqilisaanertullu atorpeqarput.

**3. Ajornartorsiut ukiut tamaasa takkuttartoq anigorniarlugu, pingaartumik sinerissap qanittuani aalisartut suliffissuaqarfiullu akornanni paaseqatigiinnissaq aaqqiissuteqarnissarlu siunertarlugu, Naalakkersuisup isumasioqatigiissitsinermik ingerlatsissamaarpat?**

**a. Taamaappat tamanna qaqugu pisussatut takorloorneqarpa?**


**3-mut)**

RG-p suliniut Nutaaq Maniitsumiittoq tunngavigalugu saarullinniarneq uumatitsivilerlugu ineriartortileruttorpaa. Suliniut ineriartortinneqartassaaq ukiullu tamaasa Kitaani aalisartut arlallit suliniummut peqataalersarput. Aalisarnermi periutsinik nutaanik ineriartortitsigaanni ajornartorsiuteqanngitsoorneq ajorput, kisianni RG ilisimatitsivoq aalisartut KNAPK-lu oqaloqatigisarlugit ajornartorsiutit annikinnerpaaffianiinniassammata.

Aalisartut tunisassortullu aalisarnerup ineriartortinneqarnissaa ingerlanneqarnissaalu akisussaaffigaat. Naalakkersuisut tamassuma piviusunngortinnissaanut sinaakkersuisarput. Isumasioqatigiitsisoqassappat tamanna RG-imit KNAPK-millu peqatigiillutik aaqqiissorneqartariaqarpoq. Pisunut tunngatillugu Naalakkersuisut soorunalimi aaqqiissuteqaataasinnaasunut peqataanissaminut piareersimassapput. Ilisimatitsissutigissavarali ukioq manna aamma aappaagumut siunertamut taama ittumut aningaasaliisoqarsimangimmat.

**3a-mut)** Apeqquut 3-mut akissutigineqartumut innersuussivunga.

Inussiarnersumik Inuulluaqqusillunga



Karl Tobiassen

Aalisarnermut Piniarnermullu Naalakkersuisoq